

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 21 OKTOBER 2008, PUKUL 10.00 PAGI

Bil. 49

PERTANYAAN-PERTANYAAN BAGI JAWAB LISAN

1. PR-1213-L16392
Dato' Haji Ismail Bin Haji Abd. Muttalib [Maran] minta **MENTERI KESIHATAN** menyatakan jumlah pegawai perubatan (Doktor/Doktor Pakar) asing juga jururawat asing yang berkhidmat di negara ini, dari negara mana serta jumlah kos yang terlibat/ditanggung Kerajaan dalam membiayai program ini.
2. PR-1213-L16393
Dr. Michael Jeyakumar Devaraj [Sungai Siput] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan sama ada Kerajaan berhasrat untuk mengubahsuaikan Akta Syarikat supaya majikan tidak dapat melepaskan tanggungjawab mereka terhadap bayaran pampasan pemberhentian kerja pada pekerja mereka dengan memakai alasan syarikat boleh mufliis.
3. PR-1213-L16288
Dato' Dr. Abdullah bin Md. Zin [Besut] minta **MENTERI PERTANIAN DAN INDUSTRI ASAS TANI** menyatakan bahawa daerah Besut, Terengganu merupakan antara daerah 'Jelapang Padi' yang terbesar di Malaysia. Masalah yang sering dihadapi oleh pesawah padi di daerah Besut adalah kerana kelemahan sistem pengalirannya. Adakah pihak Kerajaan bercadang untuk mengatasi masalah sistem tersebut terutamanya dalam Rancangan Malaysia Ke Sembilan (RMK-9).
4. PR-1213-L15816
Dato' Seri Abdul Hadi bin Awang [Marang] minta **MENTERI PENGAJIAN TINGGI** menyatakan apakah aspek-aspek yang akan diberi penekanan dalam pindaan terhadap Akta Universiti dan Kolej Universiti (AUKU) dan rasional di atas pindaan tersebut.

5. PR-1213-L14862
Ir. Haji Hamim Bin Samuri [Ledang] minta **MENTERI SUMBER MANUSIA** menyatakan apakah benar Negara yang kekurangan pekerja sehingga bilangan pekerja asing terlalu ramai yang dianggarkan seramai 2 juta orang. Apakah rancangan / tindakan Kementerian bagi jangka masa pendek.
6. PR-1213-L15498
Tuan Salahuddin Bin Haji Ayub [Kubang Kerian] minta **PERDANA MENTERI** menyatakan apakah langkah-langkah pro-aktif Kerajaan untuk mempertingkatkan dan mengemas kini standard piawaian Halal yang menjadi satu cabaran besar rakyat khususnya pengguna-pengguna Islam di negara ini.
7. PR-1213-L14721
Datuk Dr. Marcus Mojigoh [Putatan] minta **MENTERI PELAJARAN** menyatakan :-
 - (a) apakah sebab-sebab cadangan pembinaan SMK Petagas belum lagi dilaksanakan sehingga kini; dan
 - (b) apakah langkah yang telah diambil oleh pihak Kementerian agar cadangan pembinaan SMK Petagas dapat dilaksanakan dalam tempoh yang terdekat.
8. PR-1213-L16302
Tuan Sim Tong Him [Kota Melaka] minta **MENTERI PENGANGKUTAN** menyatakan jumlah pampasan yang telah dibayar kepada tuan tanah untuk projek naik taraf Lapangan Terbang Batu Berendam, Melaka dan senaraikan nama tuan tanah yang belum dibayar pampasan.
9. PR-1213-L15032
Tuan Aaron Ago Anak Dagang [Kanowit] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah Kerajaan bercadang untuk memperkenalkan penggunaan gas NGV bagi kenderaan di Sabah dan Sarawak. Apakah penghalang sebenar di mana gas NGV tidak dapat disediakan kepada penggunanya di kedua buah negeri tersebut.
10. PR-1213-L15217
Tuan Abdullah Sani bin Abdul Hamid [Kuala Langat] minta **MENTERI KEMAJUAN LUAR BANDAR DAN WILAYAH** menyatakan berapakah jumlah orang Asli yang taraf hidupnya di atas paras pendapatan atau gaji minimum sebanyak RM 1500 dan berapakah jumlah orang Asli yang pendapatannya di bawah paras pendapatan atau gaji minimum sebanyak RM 1500. Apakah langkah-langkah pihak Kementerian bagi membantu golongan ini setara dengan masyarakat yang lain di Malaysia.

11. PR-1213-L15984
Tuan Hasbi bin Habibollah [Limbang] minta **MENTERI PENGAJIAN TINGGI** menyatakan bilakah akan ditubuhkan sebuah kolej di kawasan Limbang sama ada institusi kemahiran atau vokasional memandangkan keadaan geografi Limbang yang berada di antara dua daerah negara Brunei yang menyulitkan untuk keluar dan perlunya memiliki pasport dan kos perjalanan yang tinggi.
12. PR-1213-L15584
Dr. Lo' Lo' binti Mohamad Ghazali [Titiwangsa] minta **MENTERI PERDAGANGAN ANTARABANGSA DAN INDUSTRI** menyatakan sebab-sebab syarikat Carlsberg Brewery Malaysia Bhd yang beroperasi di Shah Alam dibenarkan mengeluarkan arak melebihi daripada keperluan rakyat bukan Islam di negara ini hingga menjadikan Malaysia yang dipanggil negara Islam Hadhari terkenal sebagai negara pengeksporth arak jenama Carlsberg yang terbesar di dunia.
13. PR-1213-L15036
Tuan Haji Ahmad bin Haji Maslan [Pontian] minta **MENTERI PELAJARAN** menyatakan jumlah guru di negara ini mengikut jantina dan kaum serta langkah-langkah terkini bagi meningkatkan profesionalisme perguruan sesuai untuk melahirkan modal insan bagi menghadapi pasaran buruh terkini dan apakah usaha untuk memastikan kebajikan guru sentiasa diutamakan.
14. PR-1213-L14727
Tuan Kulasegaran A/L Murugeson [Ipoh Barat] minta **MENTERI KESIHATAN** menyatakan kenapakah Lembaga Promosi Kesihatan Masyarakat tidak mahu mempromosikan program di negeri-negeri Kerajaan Pakatan Rakyat dan apakah punca utamanya mengabaikan negeri-negeri ini.
15. PR-1213-L14944
Datuk Siringan bin Gubat [Ranau] minta **MENTERI KEWANGAN** menyatakan berapa jumlah pendapatan hasil kutipan cukai LHDN pada tahun 2002 hingga 2007 dari Sabah. Berikan pecahan hasil kutipan mengikut sumber pendapatan yang dikenakan cukai dan berapakah jumlah penalti yang dikutip daripada pembayar cukai kesan daripada pelaksanaan pematuhan cukai LHDN.
16. PR-1213-L15242
Tuan Khalid bin Abdul Samad [Shah Alam] minta **PERDANA MENTERI** menyatakan kos pengeluaran minyak oleh Petronas dan jika harga jualan adalah berdasarkan kos pengeluaran dan prosesan, hantaran serta keuntungan sebanyak 100% nyatakan anggaran harga jualan petrol dan diesel di stesen-stesen minyak Petronas.

17. PR-1213-L16074
Datuk Seri Panglima Joseph Pairin Kitingan [Keningau] minta **MENTERI TENAGA, AIR DAN KOMUNIKASI** menyatakan apakah langkah Kerajaan untuk membanteras penyebaran maklumat palsu menerusi Khidmat Pesanan Ringkas (SMS) yang mengakibatkan 'panic buying' di kalangan pengguna supaya tidak berulang seperti yang berlaku pada 25 Jun lepas di negeri Sabah.
18. PR-1213-L16085
Tuan Nga Kor Ming [Taiping] minta **MENTERI SUMBER ASLI DAN ALAM SEKITAR** menyatakan secara terperinci apakah rancangan jangka masa pendek serta jangka masa panjang bersama jumlah peruntukan yang akan diberikan kepada Jabatan Pengairan dan Saliran Negeri Perak demi mengatasi masalah banjir serius yang kini sering berlaku di kawasan Taiping, Larut Matang dan Selama.
19. PR-1213-L16249
Dato' Haji Abd Rahman bin Dahlan [Kota Belud] minta **MENTERI PERUMAHAN DAN KERAJAAN TEMPATAN** menyatakan apakah Kementerian mempunyai perancangan:-
- (a) menggantikan 2 buah kereta bomba dan penyelamat di Balai Bomba dan Penyelamat Daerah Kota Belud yang telah berusia 33 tahun dengan kenderaan baru yang lebih berkeupayaan tinggi; dan
 - (b) menambah bilangan anggota bomba dan penyelamat di daerah Kota Belud.
20. PR-1213-L14852
Dr. Mohd Puad bin Zarkashi [Batu Pahat] minta **MENTERI SAINS, TEKNOLOGI DAN INOVASI** menyatakan jumlah syarikat yang berstatus 'BioNexus' dan bidang perniagaan mereka. Nyatakan sumbangannya terhadap Keluaran Negara Kasar (KNK).
21. PR-1213-L15179
Tuan Haji Che Uda bin Che Nik [Sik] minta **MENTERI PEMBANGUNAN USAHAWAN DAN KOPERASI** menyatakan memandangkan Lembaga Pelesenan Kenderaan Perdagangan (LPKP) membatalkan permit bas sekolah yang jangka hayatnya lebih dari 20 tahun amat membebankan pengusaha bas terutama di luar bandar yang menjalankan perusahaan yang tidak menguntungkan itu. Apakah langkah susulan Kementerian mengenai hal tersebut.
22. PR-1213-L16280
Datuk Sapawi bin Haji Ahmad [Sipitang] minta **MENTERI PENGAJIAN TINGGI** menyatakan bilangan rakyat negara ini yang bertugas sebagai Dekan / Profesor atau pensyarah di luar negara serta Institusi Pengajian Tinggi berkenaan.

23. PR-1213-L15615
Tuan Er Teck Hwa [Bakri] minta **MENTERI PELANCONGAN** menyatakan statistik pelancong-pelancong yang melawat Johor mengikut negara. Berapa lama tempoh mereka berada di negeri Johor dan jumlah keuntungan yang diperoleh daripada industri pelancongan bagi tahun 2006, 2007 dan 2008. Apakah tempat yang telah diisytiharkan oleh Kerajaan sebagai " historical spot" di negeri Johor.
24. PR-1213-L16447
Tuan Loke Siew Fook [Rasah] minta **MENTERI KEWANGAN** menyatakan secara terperinci semua aset dan tanggungan yang dimiliki oleh Khazanah Nasional Berhad dan 10 pelaburan terbesar yang sedang diceburi oleh Khazanah termasuk jenis industri, nilai pelaburan dan lokasinya.
25. PR-1213-L15858
Tengku Razaleigh Hamzah [Gua Musang] minta **PERDANA MENTERI** menyatakan sejak harga minyak dinaikkan pada 4hb Jun apakah tindakan yang diambil oleh Kerajaan untuk melindungi golongan miskin dan bagaimana ia dipantau untuk menjamin tindakan-tindakan ini cukup berkesan dan apakah kesan/faedah jika dibandingkan kos dengan subsidi yang diijamatkan.
26. PR-1213-L15931
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan bilangan perjalanan keluar negeri oleh Datuk Bandar Kuala Lumpur yang terkini sejak pelantikan hingga sekarang, maksud lawatan dan destinasi-destinasi yang dikunjungi serta kos bagi setiap perjalanan dan kos yang dibayar kepada beliau dan anggota-anggota rombongannya.
27. PR-1213-L16463
Tuan John A/L Fernandez [Seremban] minta **MENTERI PERUMAHAN DAN KERAJAAN TEMPATAN** menyatakan adakah Kementerian tidak bercadang untuk melupuskan sistem pembakaran terbuka bagi semua pusat pelupusan sampah dan menggantikannya dengan sistem pelupusan melalui insenerator seperti yang diamalkan oleh Jepun bagi mengurangkan pemanasan global dan pencemaran udara amnya.
28. PR-1213-L15210
Dr. Siti Mariah Binti Mahmud [Kota Raja] minta **PERDANA MENTERI** menyatakan adakah Kerajaan bercadang mewujudkan suatu jabatan untuk menyelaraskan pentadbiran agama-agama lain (bukan Islam) terutamanya di dalam pembinaan rumah-rumah ibadat.

29. PR-1213-L14831
Dato' Dr. Zainal Abidin bin Ahmad [Hulu Selangor] minta **MENTERI DALAM NEGERI** menyatakan berapa banyakkah agen yang membawa pekerja asing yang terdapat di negara tidak mengikut peraturan yang sah mengikut undang-undang, apakah tindakan yang dikenakan ke atas mereka.
30. PR-1213-L15548
Dr. Tan Seng Giaw [Kepong] minta **PERDANA MENTERI** menyatakan peruntukan awam dan pelaburan swasta tempatan dan asing di semua koridor masing-masing untuk menyeimbangkan wilayah. Apakah penarikan dan potensi di koridor-koridor tersebut.
31. PR-1213-L15152
Tuan Liang Teck Meng [Simpang Renggam] minta **PERDANA MENTERI** menyatakan berapakah jumlah permohonan untuk membina atau menambah-baikkkan rumah ibadat orang Cina dan India sejak tahun 2007 dan berapa jumlah peruntukan yang telah diluluskan.
32. PR-1213-L16197
Tuan Fong Kui Lun [Bukit Bintang] minta **MENTERI PERPADUAN, KEBUDAYAAN, KESENIAN DAN WARISAN** menyatakan program mengekalkan warisan dalam Kuala Lumpur dan bagaimanakah kerjasama dengan sektor pelancongan dibuat bagi mempromosi tapak / bangunan warisan sebagai destinasi pelancongan.
33. PR-1213-L14962
Dato' Shamsul Anuar bin Nasarah [Lenggong] minta **PERDANA MENTERI** menyatakan bagaimana usaha meningkatkan lagi fungsi, peranan dan keberkesanan Jawatankuasa Bantuan Bencana Peringkat Daerah. Kenapa atau benar ianya hanya diaktifkan sewaktu bencana berlaku sahaja dan bagaimana Kerajaan lakukan bagi meningkatkan kesedaran dan kemahiran menghadapi bencana di kalangan masyarakat.
34. PR-1213-L16342
Tuan Sivarasa A/L K.Rasiah [Subang] minta **MENTERI PERUMAHAN DAN KERAJAAN TEMPATAN** menyatakan :-
- (a) rancangan Kementerian dalam menangani sistem berpengelola pasar malam dan pasar pagi yang makin menindas para penjaja dan menguntungkan pengelola semata-mata; dan
 - (b) nyatakan dengan jelas garis panduan, syarat dan penilaian untuk meluluskan sesebuah pasar malam atau pasar pagi serta sistem pelantikan pengelola.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Pembangunan Wanita, Keluarga dan Masyarakat**

- * Rang Undang-undang Orang-Orang Papa (Pindaan) 2008.

*Menandakan bahawa Rang Undang-undang ini akan dibawa pada semua peringkat pada mesyuarat ini.

ATURAN URUSAN MESYUARAT DAN USUL-USUL

1. (D.R. 16/2008) Rang Undang-undang Perbekalan 2009 - **Menyambung semula Perbahasan atas masalah “Bahawa Rang Undang-undang ini dibacakan kali yang kedua sekarang “ (20 Oktober 2008).**

DAN

Usul dibuat oleh YAB. Menteri Kewangan dan masalah dicadangkan:-

“ Bahawa Dewan ini, mengikut seksyen 4(3) Akta Kumpulan Wang Pembangunan 1966, membuat ketetapan iaitu satu jumlah wang sebanyak tidak lebih daripada lima puluh tiga bilion tujuh ratus dua puluh sembilan juta satu ratus empat puluh lima ribu ringgit (RM53,729,145,000) dibelanjakan daripada Kumpulan Wang Pembangunan bagi tahun 2009, dan bagi tujuan-tujuan dan butiran-butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Bajet Persekutuan 2009, yang dibentangkan sebagai Kertas Perintah 41 Tahun 2008, adalah diuntukkan di bawah Maksud-maksud yang berkenaan jumlah-jumlah yang bersementaraan dengan butiran-butiran itu di ruangan lapan dan sembilan senarai tersebut. “

Menyambung semula Perbahasan atas masalah (20 Oktober 2008)

2. (D.R. 13/2008) Rang Undang-undang Indentifikasi Asid Deoksiribonukleik (DNA) 2008 – **Pertimbangan dalam Jawatankuasa Sebuah-buah Majlis. (28 Ogos 2008)**
(Menteri Dalam Negeri)
3. (D.R. 12/2008) Rang Undang-undang Universiti dan Kolej Universiti (Pindaan) 2008 **Bacaan Kali Yang Kedua**
(Menteri Pengajian Tinggi)
4. (D.R. 14/2008) Rang Undang-undang Institusi Pendidikan Tinggi Swasta (Pindaan) 2008. “
(Menteri Pengajian Tinggi)
5. (D.R. 15/2008) Rang Undang-undang Latihan Khidmat Negara (Pindaan) 2008. “
(Menteri Pertahanan)

6. (D.R. 19/2008) Rang Undang-undang Lembaga Hasil Dalam Negeri Malaysia (Pindaan) 2008. “

(Menteri Kewangan)

7. (D.R. 17/2008) Rang Undang-undang Kewangan 2008 “

(Menteri Kewangan)

8. **Menteri Kewangan** akan mencadangkan :

“ Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan bersetuju supaya Malaysia membuat sumbangan kepada Program Penambahan Semula Dana Persatuan Pembangunan Antarabangsa ke Lima Belas sebanyak RM7,327,324. “

9. PR-1213-U14748

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, seluruh dunia dan tidak ketinggalan negara Malaysia, menghadapi masalah pencemaran alam sekitar yang amat serius. Dan mengambil maklum bahawa selain menyebabkan pencemaran alam sekitar, plastik telah menyumbang kepada kejadian banjir, takungan air yang menjadi tempat pembiakan nyamuk dan lain-lain lagi masalah yang boleh memudaratkan kesihatan dan keselamatan manusia sejagat. Dan mengambil maklum bahawa, dengan kemajuan teknologi yang terdapat pada ketika ini, terdapat banyak jenis plastik mesra alam atau bioplastics yang boleh kita gunakan dengan selamat berbanding dengan plastik hasil petroleum. Dan mengambil maklum bahawa kita diberkati dengan bahan-bahan semula jadi bagi menghasilkan plastik mesra alam seperti polylactide acid (PLA) plastic, poly-3-Hydroxybutyrate (PHB) Polyamide 11 (PA 11) dan Bio-Derived Polyethylene. Maka dengan ini, dewan hendaklah mengambil ketetapan untuk meminta Kerajaan untuk meminda satu akta yang mengharamkan penggunaan plastik hasil keluaran petroleum , dan menggantikan penggunaan plastik tersebut dengan plastik mesra alam."

(Menteri Perumahan dan Kerajaan Tempatan)

10. PR-1213-U14754

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa fenomena global warming menjadi sangat serius dan Malaysia tidak terkecuali daripada fenomena ini. Dan mengambil maklum bahawa, fenomena ini telah menjadi keraguan bagi seluruh dunia.

Dan mengambil maklum bahawa mengikut kajian yang dijalankan di Amerika Syarikat pada tahun 2002, pelepasan Carbon Dioxide hasil daripada penjanaan kuasa elektrik menyumbang 40% daripada pelepasan Carbon Dioxide yang secara terus menyebabkan kerosakan ozon yang secara langsung pula menyebabkan kepanasan dunia. Dan mengambil maklum juga bahawa hari ini, pembakaran Fossil Fuel dan arang batu sebagai bahan bakar bagi penjanaan kuasa elektrik terbukti memudaratkan kehidupan manusia. Dan mengambil maklum bahawa terdapat banyak teknologi baru bagi menghasilkan tenaga elektrik seperti Pelamis Wave Energy Converter-Ocean Sources, Biomass Fuel, Geothermal Energy, Hydroelectric, Solar Energy, Wind Energy dan Fuel Cell. Maka dengan ini dewan hendaklah mengambil ketetapan untuk meminta Kerajaan untuk menggalakkan penggunaan sumber tenaga alternatif seperti yang disebutkan tadi, terutama sekali di kawasan yang tidak mendapat bekalan elektrik, misalnya di pulau-pulau di perairan negeri Sabah."

(Menteri Tenaga, Air dan Komunikasi)

11. PR-1213-U14757

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa penstrukturan semula subsidi minyak telah membawa impak kepada mutu hidup rakyat. Dan mengambil maklum bahawa kesan penstrukturan ini juga telah menyebabkan Kerajaan menanggung kos subsidi yang lain bagi menstabilkan kesejahteraan hidup rakyat. Dan mengambil maklum bahawa penggunaan petrol sebagai bahan bakar (bagi kenderaan) telah meningkat dengan mendadak sekali. Dan mengambil maklum juga dengan rizab gas asli yang hampir mencapai 100 trilion kaki padu, penggunaan gas asli dalam Natural Gas Vehicle (NGV) haruslah dikembangkan di seluruh negara termasuklah di negeri Sabah dan Sarawak. Maka dengan ini dewan hendaklah mengambil ketetapan untuk meminta Kerajaan untuk menjadikan projek NGV ini sebagai projek nasional, yang mana ianya bukan sahaja dapat menjimatkan wang Kerajaan dari segi subsidi minyak tetapi juga dapat mengurangkan kesan pemanasan dunia."

(Menteri Perdagangan Dalam Negeri dan Hal Ehwal Pengguna)

12. PR-1213-U15554

Dr. Tan Seng Giaw [Kepong] akan mencadangkan:-

"Bahawa Dewan ini membincangkan kedudukan undang-undang dan kesesuaian Draf Pelan Bandar Raya Kuala Lumpur 2020 untuk mewujudkan KL sebagai Bandar Raya Bertaman Tropika dan Bertaraf Dunia. Dewan juga hendak membahaskan pelbagai aspek termasuk penggunaan tanah dan kepadatan kependudukan KL."

(Menteri Wilayah Persekutuan)

13. PR-1213-U15555
Dr. Tan Seng Giaw [Kepong] akan mencadangkan:-
- "Bahawa Dewan ini membahaskan setakat mana wujudnya kerjasama dari semua pihak dengan Institut Integriti Malaysia untuk meningkatkan integriti dan masalah dan menghapuskan rasuah di negara ini."
- (Perdana Menteri)**
14. PR-1213-U16405
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para Ahli Berhormat dan proses Dewan Rakyat membuat keputusan terhadap dasar dan undang-undang."
- (Menteri Penerangan)**
15. PR-1213-U16408
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk memulihkan pilihan raya Kerajaan Tempatan demi menjadikan perkhidmatan Kerajaan Tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."
- (Menteri Perumahan dan Kerajaan Tempatan)**
16. PR-1213-U16411
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."
- (Perdana Menteri)**
17. PR-1213-U16414
Puan Teresa Kok Suh Sim [Seputeh] akan mencadangkan:-
- "Bahawa Dewan ini menyokong cadangan Suruhanjaya Diraja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."
- (Menteri Dalam Negeri)**

18. PR-1213-U14923

Datuk Eric Enchin Majimbun [Sepanggar] akan mencadangkan:-

"Bahawa Dewan ini menetapkan dengan seriusnya mengikut seksyen 4, Akta 144 Akta Pembangunan Petroleum 1974 agar Kerajaan negeri yang mengeluarkan minyak mentah dinaikkan royalti daripada 5% setelah dipersetujui oleh kedua-dua pihak kepada kadar 20%."

(Perdana Menteri)

19. PR-1213-U14926

Datuk Eric Enchin Majimbun [Sepanggar] akan mencadangkan:-

"Bahawa Dewan ini mempertimbangkan untuk membincang supaya Kerajaan merancang serta menyusun semula kerjasama dengan semua negara-negara yang ada kaitan dengan pembangunan BIMP-EAGA agar negara-negara jiran ini dapat sama-sama membangun serentak untuk mengimbangkan pembangunan dengan negara yang kurang membangun. Penghijrahan pekerja daripada negara jiran sudah tentu dapat dibendung khasnya Pendatang Tanpa Izin (PTI) di Sabah dapat dikurangkan."

(Perdana Menteri)

20. PR-1213-U14928

Datuk Eric Enchin Majimbun [Sepanggar] akan mencadangkan:-

"Bahawa Dewan ini membincang dengan seriusnya agar perusahaan penanaman padi dapat digembleng dan dipertingkatkan. Kawasan-kawasan sesuai yang terbiar seharusnya diusahakan demi untuk menampung keperluan makanan utama kita. Kerajaan seharusnya mempertimbangkan bantuan kewangan serta nasihat teknikal dalam perusahaan yang murni ini."

(Menteri Pertanian dan Industri Asas Tani)

21. PR-1213-U16495

Tuan Fong Kui Lun [Bukit Bintang] akan mencadangkan:-

"Bahawa Dewan ini meluluskan ketetapan bahawa kerajaan persekutuan hendaklah memulihkan semula pilihan raya kerajaan tempatan di semua majlis / dewan bandar raya dan majlis perbandaran seluruh negara dengan mengambil tindakan meminda Perlembagaan Persekutuan dan Akta Kerajaan Tempatan 1976 bagi maksud tersebut supaya perwakilan rakyat di dalam Kerajaan Tempatan dikembalikan semula selaras dengan amalan demokrasi berparlimen di Malaysia dan tuntutan rakyat sebagaimana yang dijelmakan dalam keputusan Pilihan Raya Umum 2008 yang mencerminkan kehendak dan hasrat rakyat."

(Menteri Perumahan dan Kerajaan Tempatan)

22. PR-1213-U16496

Tuan Fong Kui Lun [Bukit Bintang] akan mencadangkan:-

"Bahawa Dewan ini bersetuju supaya Kerajaan Persekutuan membina sebuah Muzium memperingati kapitan Yap Ah Loy bagi mengenang jasa mendiang sebagai pembuka dan bapa pembangunan awal Kuala Lumpur untuk tatapan masyarakat Malaysia dan antarabangsa."

(Menteri Perpaduan, Kebudayaan, Kesenian dan Warisan)

23. PR-1213-U16497

Tuan Fong Kui Lun [Bukit Bintang] akan mencadangkan:-

"Bahawa Dewan ini membantah tindakan Kerajaan Persekutuan di bawah Kementerian Kemajuan Luar Bandar dan Wilayah membentuk JKKKP di kampung-kampung dalam negeri-negeri yang diperintah oleh kerajaan campuran Pakatan Rakyat kerana ia bertindan dengan JKKK sedia ada yang ditadbir oleh pejabat daerah di negeri-negeri tersebut menyebabkan rakyat berpecah-belah, berpuak-puak dan didiskriminasikan, sebaliknya merestui JKKK sedia ada dengan menyalurkan peruntukan secara sama rata dan adil."

(Menteri Kemajuan Menteri Luar Bandar dan Wilayah)

24. PR-1213-U16498

Tuan Fong Kui Lun [Bukit Bintang] akan mencadangkan:-

"Bahawa Dewan ini bersetuju untuk mendesak Kementerian Wilayah Persekutuan dan Dewan Bandaraya Kuala Lumpur yang dalam proses Draf Pelan Tempatan 2020 menetapkan dasar tegas untuk tidak mengambil tindakan di bawah Akta Pengambilan Tanah 1960 ke atas tanah-tanah milik persendirian di Kuala Lumpur bagi melaksanakan cadangan pelan yang bertentangan dengan kepentingan dan kehendak rakyat."

(Menteri Wilayah Persekutuan)

25. PR-1213-U14755

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah membahaskan perubahan dasar iaitu Sistem Pendidikan kini yang amat dipinggirkan dan tanda-tanda yang amat mudah dilihat ialah rendahnya anggaran peruntukan pendidikan yang disediakan untuk kaum bukan bumiputera. Pada masa yang akan datang, pengamalan yang negatif ini akan melumpuhkan kegiatan pengembangan dalam bidang pendidikan dan akibatnya akan mengalami stagnasi yang luar biasa untuk satu kaum."

Maka dengan ini Dewan hendaklah mengambil ketetapan untuk meminta Kerajaan bagi menggalakkan dan memberikan peluang untuk reformasi bidang pendidikan di negara agar setiap generasi dan kaum dapat dibentuk sesuai dengan tuntutan zamannya dan bagi perubahan tersebut, kadar nisbah harus dimansuhkan dan pinjaman pendidikan harus dibuka kepada kesemua rakyat Malaysia yang layak untuk mendapatnya."

(Menteri Pelajaran)

26. PR-1213-U14756
Tuan Kulasegaran A/L Murugeson [Ipoh Barat] akan mencadangkan:-

"Bahawa dengan ini Dewan hendaklah mengambil satu ketetapan untuk meminta Kerajaan Malaysia untuk membina 100 buah Sekolah Cina dan 50 buah Sekolah Tamil yang baru tanpa apa-apa keraguan perbezaannya dalam jangka masa yang singkat."

(Menteri Pelajaran)

27. PR-1213-U15524
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya ditubuhkan majlis yang dinamakan Majlis Tindakan Perancangan Tenaga Negara (MTPTN) yang, antara lain akan membincangkan langkah-langkah pro-aktif Kerajaan untuk menghadapi kemungkinan berlakunya krisis harga bahan api fosil dunia yang sering kali di manipulasi oleh pasaran minyak mentah antarabangsa. Majlis ini akan berperanan mengikut terma-terma berikut berperanan mengenal pasti dan seterusnya melantik pakar-pakar dalam bidang-bidang berkaitan dari pihak Kerajaan, swasta, badan-badan bukan Kerajaan (NGOs) dan parti-parti politik menganggotai MTPTN, MTPTN berperanan mengemukakan Pelan Induk (Master Plan) untuk membolehkan Kerajaan membuat perancangan jangka pendek dan jangka panjang di dalam menghadapi apa jua kemungkinan yang melibatkan krisis harga minyak di pasaran dunia dan mengkaji dengan penuh tanggungjawab bagaimana penstrukturan subsidi minyak boleh diagihkan dengan lebih adil dan kompeten kepada golongan sasar di negara ini."

(Menteri Tenaga, Air dan Komunikasi)

28. PR-1213-U15526
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya ditubuhkan satu Jawatankuasa Tertinggi peringkat kebangsaan bagi membolehkan Kerajaan melihat dan mengkaji semula peranan dan masa depan Sekolah-sekolah Agama Rakyat (SAR) yang semakin lumpuh akibat daripada sikap Kerajaan sendiri yang menghentikan pemberian bantuan per kapita pada tahun 2002."

(Perdana Menteri)

29. PR-1213-U15527
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya dikaji prestasi dan kompetensi Ketua Polis Negara dan Peguam Negara yang semakin dipersoalkan kredibiliti mereka oleh rakyat pada masa ini. Oleh itu, satu Tribunal Khas hendaklah ditubuhkan segera bagi mengembalikan integriti pasukan polis dan Jabatan Peguam Negara dan seterusnya memulihkan kepercayaan rakyat terhadap sistem penguatkuasaan dan pendakwaan di negara ini."

(Perdana Menteri)

30. PR-1213-U15528
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya satu kajian secara holistik hendaklah dijalankan terhadap kepekaan Kerajaan terhadap peranan golongan kurang upaya (OKU) di negara ini. Masih lagi terdapat banyak ruang yang memerlukan tindakan lebih serius Kerajaan untuk membela nasib dan masa depan golongan OKU ini. Ketidakpedulian pihak-pihak tertentu khususnya pihak swasta dan Kerajaan sendiri telah mengakibatkan golongan OKU tercicir terutama untuk mendapatkan hak mereka seperti peluang pekerjaan, kemudahan asas dan rawatan kesihatan."

(Menteri Pembangunan Wanita, Keluarga dan Masyarakat)

31. PR-1213-U15530
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya semua tanah rizab Melayu yang ditukar status untuk projek-projek Kerajaan Persekutuan dan negeri hendaklah disegerakan penggantiannya dengan kawasan lain yang mempunyai nilai harga yang sama."

(Menteri Sumber Asli dan Alam Sekitar)

32. PR-1213-U15531
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya disegerakan semua usaha untuk memperbaiki serta meningkatkan pentadbiran, kebajikan dan pembangunan Orang Asli."

(Menteri Kemajuan Luar Bandar dan Wilayah)

33. PR-1213-U14893
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia untuk memainkan peranan yang lebih positif dalam proses mencari pendamaian di Selatan Thailand, Selatan Filipina dan Utara Sri Lanka. Pengalaman Malaysia dalam mentadbir dan mengurus kepelbagaian etnik dan agama boleh digunakan untuk mengagihkan pengetahuan yang berguna kepada negara-negara ini."

(Menteri Luar Negeri)

34. PR-1213-U14894
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini menyedari iaitu kakitangan akademik di Institut-institut Pengajian Awam Negara adalah didominasi oleh satu golongan etnik. Dewan ini meminta Kerajaan Malaysia untuk memastikan bahawa lebih ramai calon daripada golongan bukan bumiputera dilantik sebagai kakitangan akademik pada masa depan agar mencerminkan komposisi multi-etnik negara."

(Menteri Pengajian Tinggi)

35. PR-1213-U14896

Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia supaya mengambil langkah-langkah efektif untuk membina lebih banyak sekolah-sekolah Jenis Kebangsaan Cina dan Tamil demi menjaga kepentingan serta memenuhi keperluan masyarakat Cina dan India di negara ini."

(Menteri Pelajaran)

36. PR-1213-U15687

Tuan Liew Chin Tong [Bukit Bendera] akan mencadangkan:-

"Bahawa Dewan ini membuat ketetapan bahawa sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti di bahas di Parlimen dan diaudit oleh Jabatan Audit Negara bagi mempertingkatkan integriti dan keberkesanan jangka panjang pembelian sistem pertahanan. "

(Menteri Pertahanan)

37. PR-1213-U15416

Tuan William Leong Jee Keen [Selayang] akan mencadangkan:-

"Bahawa Dewan ini membahaskan tuntutan Singapura untuk meluaskan zon ekonomi eksklusif dari Batu Puteh dan langkah-langkah yang patut diambil oleh Kerajaan untuk menentang tuntutan ini."

(Menteri Luar Negeri)

38. PR-1213-U14683

Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak pihak Kerajaan bagi memperkukuhkan sistem pengangkutan awam yang cekap, tepat, pantas dan murah serta mempunyai satu sistem yang berintegrasi antara satu sama lain. Jaringan pengangkutan tersebut harus diperluas ke seluruh pelosok negara tidak terhad hanya kepada bandar-bandar utama sahaja."

(Menteri Pengangkutan)

39. PR-1213-U14684

Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak pihak Kerajaan bagi mengurangkan kursus, seminar dan kegiatan pelancongan ke luar negara sebaliknya menggantikan lokasi tersebut ke dalam negara. Ini bagi menjimatkan kos perbelanjaan Kerajaan seterusnya merancakkan industri pelancongan dalam negara yang terjejas teruk akibat kenaikan harga petrol dan barangan keperluan. Ia juga dapat membantu pengusaha-pengusaha yang bergantung pendapatannya dengan kegiatan pelancongan seperti perhotelan, rekreasi dan seumpamanya."

(Menteri Pelancongan)

40. PR-1213-U15521

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa- Bangsa Bersatu mengenai Moratorium terhadap hukuman mati yang telah dikuatkuasakan oleh Perhimpunan Agung Bangsa-bangsa Bersatu pada 18 Disember 2007 di mana bersetuju bahawa negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut. "

(Menteri Luar Negeri)

41. **Tuan Sivarasa a/l K. Rasiah [Subang]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49(1) kepada YB. Ahli bagi Kawasan Subang untuk mencadangkan suatu Rang Undang-undang Ahli Persendirian bernama Rang Undang-undang Kebebasan Maklumat 2008."

(Menteri Dalam Negeri)

42. **Puan Teresa Kok Suh Sim [Seputeh]** akan mencadangkan:-

"Bahawa Dewan ini mengkritik Kerajaan Barisan Nasional menggunakan Akta Keselamatan Dalam Negeri untuk menahan pemberita Sin Chew Jit Poh Cik Tan Hoon Cheng, penulis blog Raja Petra Kamaruddin dan Ahli Parlimen Seputeh YB Teresa Kok dalam bulan September tahun ini. Dewan ini juga memegang pendirian bahawa Akta Keselamatan Dalam Negeri merupakan akta yang tidak adil dan bercanggah dengan keadilan sejati (natural justice) dan hak asasi manusia, dan mengambil pendirian bahawa akta ini dimansuhkan."

(Menteri Dalam Negeri)